

小方壺齋

小方壺齋

保德風土記

吳江陸 耀著

保德州故宋定羌軍治所在山西西北隅南接崞嵐州東南至甯武府正東則大同府形如葫蘆岌嶮山顛俗名其峰爲蓮華峰峰西臨大河對岸爲府谷縣稍南爲神木縣直北數十里卽蒙古薩拉齊地環保德之境皆土山聯屬屈曲凹凸絕少平直自○京師而西車行至沙泉驛易騎以進踰山越嶺顛蹶可虞山溝澤豁深者數丈橫截道途紆迴始達故土人有十嶺九溝之語去城十里許曰鐵匠鋪嶺盡河橫別開一境由河崖向南行有先君子八分書十里山塘四大字摹勒崖壁至東關仰望城門如在天半直上二里有餘凭城一覽所歷崎嶇諸境皆在几席之下城築於宋明始改軍爲州○國朝因之屬縣一城中居民戶千諸鄉屋舍寥廖而俗尙淳樸特逾他處大河自東受降城折而南行兩岸皆山奔流湍急每二三月塞外解凍則冰凌乘春漲俱下所觸必壞晝夜喧騰聲振崖谷北行二十里有大石在河中平坦可坐萬人石色細潤名爲天橋西北半里許巨石互絕兩崖水從石上懸流而下噴灑如瀑布所謂天橋雪浪者也風清月白攜酒石上仰觀俯矚身世幾忘其下出鯉魚青黑如鯽肥美勝常俗名石華魚過此一里卽同常味矣土人業漁爲生者官爲制額歲貢○○天府百二十尾石側有舊刻八字水淺時可俯而讀其文曰食我不肥賣我不富不知誰氏子代爲魚言以戒竭澤也其風俗賤男貴女年十三四卽適人婦人不以再嫁爲恥雖儒家子亦娶以爲偶飲食非祭祀賓客不設米飯居常食胡麻蕎麥而已服飾尙布素必富家始具繭袍婦人亦不以金珠爲飾夫家定聘鎔銀珠一十三顆懸婦項下自此終身不去出則跨驢以紗蒙面而夫爲執鞭除夕各爇石炭於門外石炭者煤也城中無井取汲於河嘗按地志宋時舊有六井不知何代湮廢言於州牧顏公希聖使訪其遺蹟興復民利會遷去不果余以先君嘗尉斯土遺愛在民故嘗往來於心如旅人之憶故鄉爲述其風土如此若乃土產之異則石華魚外有石燕子毛

羽備具但不及零陵解飛爾有龍鱗石天然作老龍鱗甲山徑間或長至數丈蜿蜒起伏望之惟恐雷雨之至并識於此以資博物

歸化行程記

山陽章 坦著

道光戊申九月隨者分春中堂英往歸化城讞事廿一日卯刻由京起身清河尖佳昌平州

廿二日卯刻起行十八里南口暫歇十五里出居庸關尖重山陡壁行關溝中巨石排立崎嶇萬狀而雄
奇怪聳風光變幻洵一大觀三十里宿岔道

廿三日卯刻起程廿五里榆林茶尖廿五里懷來尖廿五里土木驛廿五里住沙城

廿四日卯刻起身二十里保安州廿里雞鳴驛中尖三十里響水鋪暫歇四圍皆山洋河繞流即渾河經上流
鵲兒嶺陡極肩輿用絳四人曳之得上三十里宿宣化府城

廿五日辰初起身二十里古樹營龍王廟茶尖與野僧閒話片刻二十里太平寨落落數家無息肩地三
十里經山嶺數重中無人家寥廓荒涼晚宿胡家屯屯居有數十戶

廿六日辰刻起程三十里夏家屯十里舊懷安尖二十里住懷安縣城

廿七日辰正起三十五里枳兒嶺十里河底中尖二十里住天鎮縣入山西省界

廿八日卯正起身六十里陽高縣中尖三十里住王官人屯

廿九日卯正起身三十里巨落早尖三十里三十里鋪三十里住大同府

三十日卯初起程經雲岡山壁峭立上有飛閣數重沿山有洞洞內石刻如來像三千里高山中尖三千
里雲西三十里住左雲縣時已戌初

十月初一日卯正起身三十五里牛心鋪中尖五里黃土坡三十里紅土嶺二十里住朔平府

初二日卯初起身二十里出殺虎口中尖二十里佛爺溝二十里新店宿

初三日卯正起十五里老爺壩四十里二十家中尖即和林格爾五十里住薩爾沁

初四日辰初起四十里大黑河尖二十里至歸化城城東南二十里即青家在大黑河之西北數里

十月十六日讞事畢自歸化起程二十里過黑水又經青家遠望蒼鬱之氣大如覆釜家前有二碑亭一

為昇筠谷先生題詩碑一為偃將軍碑四十里薩爾沁宿

十七日辰刻起身六十里和林格爾宿

十八日辰刻起程四十五里老爺壩有廟入廟與老僧閒話并飲苦茶十里榆樹梁十里新店宿

十九日辰刻起二十里佛爺溝山嶺陡立用緯夫曳車而上二十里入殺虎口三十里至右玉縣

二十日辰刻起二十里紅土嶺重山峻嶺極不易行三十里牛心鋪中尖四十里左雲縣城宿

廿一日寅正起六十里高山尖三十里雲岡入廟瞻仰大佛高五丈二尺五寸像就山洞刻石裝金四面洞中皆

刻佛像極為莊嚴三十里大同府城

廿二日辰刻起六十里巨落中尖三十里王官人屯宿

廿三日辰刻起三十里陽高縣中尖六十里天鎮縣宿

廿四日辰刻起二十里河底尖五十里懷安縣宿

廿五日巳刻起四十里夏家屯中尖二十里胡家屯宿

廿六日辰刻起三十里太平寨二十里古樹營龍王廟中尖二十里宣化府城

廿七日卯刻起六十里雞鳴驛關帝廟中尖四十里沙城宿

廿八日寅正起五十里懷來縣中尖五十里岔道宿

廿九日卯正起三十里入居庸關暫歇十五里南口尖二十里昌平州宿

三十日寅正起身五十里清河尖二十里進德勝門未正抵寓

遊秦偶記

崑山柴 桑著

發毘陵渡江至滁洲滁固貧僻然昔人云香泉萬斛白雲千頃亦佳郡也郡治在四山之中綿延迴抱一望無空缺處因憶醉翁環滁皆山也一句置是寫景獨絕時方行役不得至琅琊山坐醉翁亭酌醴泉一杯惟遠眺蔚然深秀而已

關山卽古清流關昔宋祖夜遇趙學究於此與定計從間道破李景兵二十萬於關下其地左山右溪中通一綫勢險而境絕幽關之下平沙瀾望卽古戰場也

磨盤山相望咫尺以峰迴路轉屈曲崎嶇竟日方過

鳳陽卽故明中都也有內外城樓極壯麗

徐家橋在塗山之下明太祖實生於此其龍興之地同里封侯者十八人今山之前後其子孫猶有存者亳州牡丹爲天下第一吾友張竹筠爲余言牡丹之名不下百種植人家園亭者皆千葉重樓花大如斗生離落者皆單瓣多幻色土人取其皮以充藥材但栽花之處不當孔道值梅雨紛紛欲見牡丹芽一面不可得

亳州有紅百合遍生圃畦間疑卽渥丹也

五女店有五女祠五女當南北朝兵戈之際爲賊所逼不辱而死鄉人因建祠祀之祠漸圯

許州卽魏故都許昌也水週遭城下荷花環繞許昌一城不啻在眾香國中

蔡孝子祠名順王莽之亂避於許之樞澗採樵實以養母赤眉感其義皆洗眉爲良民洗眉池尙存光武中興累辟不就後人於澗邊立廟載在祀典每樵熟時有司摘樵實以祭

過潁橋謁潁考叔廟廟旁有考叔墓

邠邑卽成王定鼎之所邑神廟大鐘可容百斛半埋土中廟旁有明末忠臣李公貞佐祠公山西人爲邠令死闖賊之亂余過邠時值山西大饑公之孫攜家口就食於邠羈樓祠下特精太素脈爲余診視言多奇中

近白龍廟一路榆柳列植清陰數里涼風徐徐來殊快人意其地梧桐子多於葉一樹可得數斗

秦中五歲不雨草根木皮俱盡斗米千錢人民離散西鳳爲之一空其病不能徙者僅存皮骨色如墨其徙者亦枯瘠不能行兒嘸女哭所不忍聞所在白骨盈溝僵尸滿地有鬻女於市者止索三四百錢黯慘之狀行路傷心余於驟背時悲哭失聲不能自己

薄暮遊華陰廟金殿鬼峨鳳樓閣麗古檜皆三四合抱古檜中空後生古槐交柯互蔭蒼翠欲滴廟中古碑以千計有一碑不甚高乃故明刊水李之椿撰紀華嶽之遊特詳文亦高古讀未竟而日已昏黑當時錄出已不全僅記十之四五而已

咸陽一名渭城因渭水以爲池水去城不數武源出鳥鼠同穴水濁而魚肥

鴈塔卽唐人題名處

曲江卽唐人遊宴處劇談錄云曲江池入夏則菰蒲葱翠柳陰四合碧波紅蕖湛然可愛今不復然畢原在渭北西周東漢諸陵與周公太公蕭曹衛霍之墓皆在焉

渭城之東爲杜郵爲通天臺又東爲細柳營

秦離宮在渭之北阿房在渭之南荒煙蔓草之間問當年複道周閣美人鐘鼓木衣文繡土被朱紫者邈不可得

曉渡灃水水在渭城東南三里許源出終南老子所謂灃水之深十仞而不受塵垢者也

灞橋跨灞水上架雜樹爲之幾不成橋水亦涸昔人謂詩思在灞橋風雪中又爲古折柳送行之地想當年風景煞是可人不知何以荒涼至此

驪山之頂有驪山老姥廟山多古檜乃唐華清宮故地也山下有溫泉余過而浴之筋骨和暢頓覺身輕初至臨潼望繡嶺有煙一縷冉冉而起頃刻皆成白雲失繡嶺所在欲尋黎園子弟按曲處竟不可得初度函谷關望三峰如黛隱隱插天越日登白帝五鳳樓欲識三峰真面目曾日暮不甚親切冀歸途一領略之而山靈妬人輒封明星玉女之面蓮花松檜乃在雲霧裏然反以是得奇境誤入他山徑中時新雨初過松柏生香一路泉流括括禽聲上下忽至一處榜曰碧雲溪樓臺如畫林木幽僻恍然靈境問之樵者乃知迷道猶徘徊不忍去此後必有因余言而問津者至然後見其妙山靈縱善妬勿怪老生饒舌華陰廟有老子繫青牛樹孤榦離奇絕無枝葉而歷世不朽

秦地柳絲長二丈餘每晚風搖漾曉霧朦朧不覺擣亂鄉心離愁萬縷秦中孤客綠鬢先秋矣

潼關俯瞰大河山谷峻險爲秦門戶過此卽沃野千里直達西鳳矣

進函谷舊關五六日程皆土山陡絕中通一徑不得方軌並轡硤石卽崤陵山路崎嶇行者甚苦古稱崤函天險不誣也

渭南東郭有一小廟廟在小坡坡有小澗澗有小橋四圍古木交加涼陰如水入秦佳境當以碧雲溪爲第一此爲第二而溫泉爲第三

靈寶孔廟逼近南城城之南門卽孔廟大門也門外有三泉泉溢則必有登科者別有一水流泮池中水甚清澈民間子弟俱讀書廟中書聲不絕

唐肅宗遭祿山之亂駐蹕靈武題一詩於僧寺及卽位詩勒於石更名御題寺

陝州爲周召分陝界州治臨河河南山西陝西三省分疆於河濱有漢河上公授經處
閿鄉縣土城極陋武王放牛於桃林之野卽其境也

道旁有一石碑臥草間上鐫薄太后墓字已殘缺詢之士人亦不能確指墓之所在
郟縣峨嵋山下有豐碑表二蘇先生墓坡公謫汝愛此山形勢似蜀峨嵋遺命葬此顧濱附焉墓去碑尙
一二里僅遙拜之

臨汝道中有客店土人謂傳奇所稱汝州春店者卽此

謁二程先生祠祠有立雪堂

歸途至許過八里橋橋下水聲淙淙通石梁河卽關夫子辭曹歸漢處橋兩旁石欄上刻曹公贈袍圖
入城謁關夫子廟廟在學宮之旁卽關夫子秉燭達旦處石刻遺像乃唐吳道子畫
至許之日值荷花正盛特留一日清晨繞隄而行香氣襲人衣袂問東坡梅花堂及曲水園修竹行路無

知者逢縣尹遣隸人採蓮乞花三朵歸沽一尊對之獨酌值里甲持循環簿至縣尹有令過客例不得再
宿拒抽豐也余時已醉大書兩絕於簿云百首新詩急雨催關中一路放歌回荷花不是尋常豔特典征
衫爲把杯孤雲野鶴共徘徊曾上蓮花峰頂來苦愛清芬留信宿雙鳬無事莫相猜
至亳州買舟南下七夕泊蒙城過懷遠晤竹筠兄弟留衙齋數日縱遊荆塗兩山之間遂渡淮過臨淮關

經浮山仙人洞至雙溝夜泊月明如晝獨坐船頭聞水面游魚潑刺聲草中秋蟲聲遠村犬聲野寺鐘聲
小舟櫓聲漁歌聲風聲水聲一時並作心已懷絕最後聞土牆中人家搗衣碓聲一片敲碎鄉心矣

至盱眙將從陸至揚州午後登第一山尋玻璃泉坐玻璃亭山在泗州之濱泉在山之半亭在泉之上登
斯亭者見泗州半沈半浮波光萬頃水天一色不覺心目洞開神骨俱爽所見江南風景當以此爲第一

明日策蹇山行遇汪林二畫師初不相識微覺其面有愁容叩之乃知訪舊泗州失意而返余幸有餘糧遂同宿食汪林因作萬里長明圖以贈

西征述

固始蔣 湘著

余始遊齊魯胸浩浩蕩三天也

岱海孔林爲山左三大

既而之○京師觀○國家億萬載宏規喟然曰上哉復乎南

浮天塹擊楫而嘻於是有形勢篇之作顧古陳而海陸往往聞談者侈關中西笑歷年所矣道光八年佐

周學使之楨獲疏闕懷壯遊始春孟焉條風欲融車聲躍脂過光州停雲思淫淫也

熊少泉刺史晉省公子惺雲應禮部試聞

都閩緝匪泌陽

息縣弔息夫人妝樓詠西河生淮水東流之句低徊不能行溯汝水而西至汝陽計十年中凡三

過汝陽斷壕遺塹歷歷終不能成一詩誦韓文公平淮西碑以據幽情而已北行過召陵楚屈完盟齊桓

公處昔讀春秋內傳中儒說警夷吾不能聲罪楚而救援往瑣何異按丁零盜蘇武牛羊者久之而悟

天下才識時務也伏江黃以挾楚非老謀深算烏至此渡沙河行郾襄以西淑氣溫扇道旁柳含青未洩

邾縣地勢越越高北望隆嶠崢嶸中鬼嶢嶢呬嚶溟鬱沸嵩嶽中天下立焉汝州謁顏魯公祠高吟吳侍

讀師詩氣慷慨震城西觀許由洗耳處溲溲耳又西歷伊陽宜陽蠡池諸境至陝州益垓北峯客者巋鬼

者欽囁者屹囁者車聲鏗鏘發飢坑衡聞硃則行所謂硤石云漢函谷關在硤石東秦函谷關在硤石西

程大昌雍錄謂在靈寶縣南十里者今只五里蓋大山中裂一綫蛇赴兩壁鐵森千尺函幽而孕明每行

健步一人前喊來車勿驟或讓立壁隙然後過否則兩值各欲還不能古志載車不容方軌馬不得並騎

又云一夫當關萬夫莫開者信然不誣也自楊僕移函關於新安而秦關廢自魏武破馬超於潼關而漢

關又廢隋唐至今重鎮皆在潼關關雄立天半側懸洪流北俯風陵南邇武關盤紆峻邃天險垠鑠洵神

明之奧都雍梁之戶牖矣余初意由潼關宿華嶽廟藉遊玉泉院上青柯坪及聞學使者已按臨同州遂

從桃林改道西北至大荔升龍門觀河渾渾泡泡魚龍百變信太史公書真得地靈者仲春由渭南之臨

潼唐華清宮故址在城外驪山上余浴於貴妃湯登山問東西繡嶺惟餘松聲謾謾侈極而衰固其所也

小方壺齋輿地叢書

卷六

西征述一

南清河王氏鑄版

況有女戎乎長安龍輦虎歇恩恩一宿抱古懷而去桃花叛煥中過咸陽問阿房宮無知者而咸陽橋猶橫互東門外馬鬼在興平縣西壁詩琳瑯鄭畋最得體五丈原按諸葛營壘歎奇才天降管樂儔也三國志比之召公子產亦允而胡爲有謗書名抵鳳翔已暮春矣上秦穆公冢慨然思三良東湖拜蘇文忠公像水木明瑟亭閣崔錯大似歷下明湖訪喜雨亭則守土者嚮數年焉余勸程憩棠太守贖而重建之太守欣然諾自鳳翔旋轅過涇陽居三原節署兩閱月而後入北山北山者與南山對陝人謂漢中興安孝義甯陝各屬之山曰南山謂鄜州延安綏德榆林各屬之山曰北山自耀州以北河套以南東盡黃河西極空同塘巉寮刺尺寸凸凹其山之大而名者曰子午曰清涼曰疏屬曰紅曰申曰罷父曰白於曰雕陰曰勞曰太和每一山宮子百小山其尤大者曰橋橫被陝甘界鄜州之中部洛川延安之安定安塞甘泉慶陽之合水正甯他他藉藉無不一闐噫嵒嶙中而漆沮水洛水宜君銅官無定秀延榆谿馬領諸大水橫衝斜貫左織右激收千萬山細流挾之以爲黃河助說者謂秦地晚寒北山寒尤厲雖盛暑古無絺綌余行之而乃笑其不然山色頑笨無賞疊疊攢圍徑從澗縫起伏而火雲蟲蟲與風光欺欺人馬胥歸鉅甕問山人則云往歲甍麥七月熟惟茲六月已作餅餌香有百歲翁未經此熟者余與史愛亭間下輿入土室中坐得微涼再行黃帝橋陵在中部縣北五里與漢志在陽周者異陵下有祠祠中古柏五其一龍鱗之而碑書漢武帝挂甲柏鄜州四山阻峙三川紆迴雨後洛河漲聲訇訇與迅雷爭奮延安多范文正公勝蹟鎮西樓踞鳳凰山上而清涼浮屠樓臺金碧大似小李將軍畫法綏州城踞疏屬山外環無定河秦上郡治巖邑也嘗慨扶蘇與蒙恬擁三十萬人而受死不叛可不謂賢歟天若祚秦長子立則劉項何用哉秦蒙恬所築長城在綏德而明余子俊所築邊牆在榆林榆林者二十六堡之中也我○朝柔遠能邇河套雖蒙古游牧然稽顙歸化就約部郎往昔所謂要地如神木定邊花馬池橫城堡石嘴子

諸處今皆通市日中華戎無閼焉而余公邊亦頽廢不治矣

土人呼邊牆曰余公邊

余公邊起自府谷之黃甫川西

抵甘肅甯夏共一千九百餘里故由榆之夏出塞入塞凡行二十日皆傍邊牆而西甯夏水利鹽池壤沃入滿遠近郊村林纒聯不與江淮詭賀蘭一山容裔拱衛鄂爾多斯厄魯特哈而哈土爾扈特烏喇忒諸部落于焉奉羊皮毛氈大鹽捆載入口易麻纓粟麥於府城其西南控制靈夏犄角平涼者爲固原州余過固原時方暮秋雪慘慘如楊花脫樹望空同山突兀深墨而涇水從斧頭山來沒滑濩滴循平涼城而灤平涼連朔襟隴包羅小隴空同可藍大同美高都盧諸山臨涇汭而攬河渭兵馬芻牧四通交馳西陲一都會也其東則涇州東北則慶陽宋環慶路韓范用兵地好水川一戰而國威不再振何歟或曰慶陽名北邕周之先不窋所竄其孫公劉遷西邕今之邠州是余由慶入邠采其風與山川俱古七月之詩如昨也然而據秦地之上游爲北門之鎖鑰其形勢要不如乾州試乾州峻學使將歸池陽是時後長至已十日爲嘉平之朔歲暮天寒鄉興勃發於是學使洗盥而前請曰蔣君足下贊我一歲盈矣竊聞南山幽峭倍徙北山明春同探焉大荒以西祁連焉支少椽筆傳者君其爲秦中留余終以太孺人春秋高倚閭望決意歸去鮑鐵帆刺史以車送抵西安胡小碧蔡丹巖兩明府互客余踏故宮搜金石采遺聞披黃籍陽暑不足秉燭以繼如是者三日而後行行華陰道上極天仰三峰倚霄萬象森寒目蕩魂飛儼與帝座呼吸及出潼關猶如金天王相拱揖也天下河山存乎兩戒北戒自積石終南負地絡之陰而東及太華南戒自岷山蟠冢負地絡之陽而東及太華河自北戒之首循雍州北徼以達華陰江自南戒之首循梁州南徼以達華陽然則華嶽者總兩戒河山之會爲陰陽翕闢之樞以余好奇嗜遊冰寒弗獲陟筇焉此與前年過泰安而失岱過河南而失嵩同一快快統計登名場以來缺陷不知凡幾遊山其尤甚者邪夫遊非流連光景已也觀形勝宜尋古蹟知政教必諏民風雍州習秉質勁齏而穠利棄本逐末勞苦惟

甘南山殷富而民雜北山候寒而民惰其情概有如此者士恥惡窮多兼負未經術之資汨於俗學土音不捐聲律乖序近惟鳳翔程太守植莪培棘思復周京而英俊頓然鵠起其文風有如此者差徭既繁公私交困往者腴缺首推蒲城今則羣噴渭南若平慶簡疲之區興漢繁難之地聞而裹足者有矣相其精華惟在三輔其官常有如此者上郡多水而利不興鄭白有渠而飲不給沃壤僅甯夏漢中耳鹽歸民運引礙難更取鹽於靈而輸課於解其利弊有如此者若夫潼關左擁隴山右蔽終南雄前河渭帶後強兵勁馬俯視寰區漢瓦唐甄功裨經史自蘇秦婁敬張良之所未論班固張衡之所未賦者余蓋流覽焉而深悔少作遊齊魯燕趙吳楚遽論形勢謬且妄行將廢之矣

後西征述

固始蔣 湘著

自余鄉之西安有南北二路由固始縣北渡淮道潁陳西北至大梁然後西行歷河南府陝州以入潼關者北路也由光州西渡淮至汝陽折而北又至鄆城轉西歷鄭汝抵陝州東之觀音堂與北路合所謂南路也南路一千八百餘里北路二千一百餘里故行者往往由南道光八年初入陝由南路十七年由大梁之魯山復由魯山轉汝州以入陝亦南路南路渡伊洛上流循嵩高之陽有長坂無險阻流覽靡子遺矣今茲之行特取北路維時惠風謝寒凍渚漸驚蟄雖澀柳眠已醒陟巍降深古懷斯盪卷遙拓邇逸興不膠每日所獲挑燈志之其潁陳八百里見余舊著遊紀者不再述述自大梁始

正月二十五日壬戌發自大梁單車出西門尖風烈人同雲翬水羣鴉噪集麥田中天勢殆將雪也道旁古樹大合圍高不踰三尺根株大半埋土中蓋自前代之季河決沙壅二百年來無有別而出之者眺金明池故蹟漠漠茫茫不止如麻姑所歎蓬萊清淺矣十里有斜溝形存斷續古琵琶溝也隋煬帝鑿通濟渠以引汴水復鑿琵琶溝以入通濟渠宋代引之入城爲金水五丈諸河今皆混爲沙海不可鯁理七十里宿中牟縣夕大雪

二十六日癸亥曉起寒甚開門始知雪積二尺餘也早飯後啟行軌轍混茫輪蹴齟齬天雲一色幻此銀海行十餘里迷途覓土人導之始達浦店去中牟三十五里

二十七日甲子晴鵲聲在檐日影登樹轅駒長鳴一若憤積雪而欲力蹴之者有驛馬從西來輿夫循其蹶迹以辨高下而梅山鄭水皆奪於雪光中不可復識矣午刻至鄭州矣於西關以凍化車疲遂止宿

二十八日乙丑春雪易消水泥四濺細流漣漣激軌中馱隲亦畏滑不能驟步季空同詩云泥滑滑車馬不得安何不停車勒馬待泥乾誦之殊爽然自失也自大梁至鄭州百四十里地皆齟齬寬平散漫晴則